



გოთა გათითაშვილი

ქართველი გერმანიაზონა VI—VIII საუკუნეებში: სიღიერლი მახაზი

VI საუკუნიდან ქართული ბერმონაზვნობის ისტორიაში სრულიად ახალი ეტაპი იწყება. ქართული ბერმონაზვნობის განვითარების ძერუე ეტაპად ჩვენ VI-VIII საუკუნეებს მივიჩნევთ (შესაბამისად პირველი ეპო-ქა IV-V საუკუნეებს მოიცავს. ამ ეპოქაზე წინა სტატიაში გვქონდა საუ-ბარი). რა თვისებრივი სიახლე მოიტანა VI საუკუნეში ქართულ ასკეტურ მოძრაობაში? ალბათ, აქ პასუხი ერთმნიშვნელოვანია: სირიული მამების საქართველოში შემოსვლა, მათი მოღვაწეობის შედეგად ქართული ბერ-მონაზვნური კერძების დაარსება და მტკიცედ ორგანიზებული სამონასტრო ცხოვრების ფართოდ გავრცელება საქართველოში. ეს დიდმნიშვნელოვანი მოვლენა კი კელავ ისეთ საინტერესო და ქართველოლოგიაში აქტუალურ თემას უკავშირდება, როგორიცაა საქართველოსა და ახლო აღმოსავლე-თის მრავალხრივი ურთიერთობა. ამ პერიოდში ქრისტიანულმა ახლო აღ-მოსავლეთმა საქართველოზე გადამწყვეტი უპირატესობა მოიპოვა და ბუნე-ბრივია ვიფიქროთ, რომ ასურელი მამების მიერ დაარსებულმა ლავრებმა (განდევილთა საერთო საცხოვრისებმა) საქართველოში სირიული ბერ-მონაზვნობის ტრადიცია დაამკვიდრეს. ქართული სამყაროს კავშირი კი სირიულ ქრისტიანულ სამყაროსთან, როგორც ცნობილია, სათვეს უკვე IV საუკუნიდანვე იდებს.

ჩვენი შეხედულებით VI-VIII საუკუნეებში ქართული ბერ-მონაზვნობა აღმოსავლური სამონასტრო ტრადიციების მძღვრი გავლენის ქვეშ ვითარდება. VIII საუკუნის 80-იანი წლებიდან კი, არ შევცდებით ოუ ვიტყვით, რომ ტაო-კლარჯეთის უძველესი ქართული (და არა სომეხი ქალკედონელებით დასახლებული) მიწების სამონასტრო კოლონიზაციით ქართული ბერ-მონაზვნობის ისტორიაში დიდი ცვლილებები და სრულიად ახალი ეტაპი იწყება. ქართველები უძველესი არაბერძნული აღმოსავლური საეკლესიო სამყაროდან ბიზანტიური წესის აღმოსავლური საეკლესიო სამყროსაკენ იბრუნებენ პირს (გვიხსენოთ, რომ ტაო-კლარჯეთის ქართველთა სამეფო

ბიზანტიის მფარველობის ქვეშ იმყოფებოდა). ტაო-კლარჯეთის ქართულ მონასტრებში ქართული კულტურა და ერთოანი ქართული ეროვნული ცნობიერება განსაკუთრებულ აღმავლობას განიცდიდა, რამაც შექმნა კიდევაც საფუძველი საქართველოს პოლიტიკური გაერთიანებისთვის.

ჩვენ ამ სტატიაში, რასაკვირველია, მთლიანად VI-VIII საუკუნეებზე ვერ ვისაუბრებთ, დავჯერდებით მხოლოდ ასურელი მამების მოღვწეობის მიმოხილვას. აღნიშნულ საკითხზე საკმაოდ მდიდარი ლიტერატურა არსებობს და მეცნიერთა შორის ხშირადაა აზრთა სხვადასხვაობა. მათი „ცხოვრებანი“ რამდენიმე რედაქციითაა მოღწეული. აბიბოს ნეკროსელის წამება აღწერა არსენ საფარელმა, იგივე არსენი დიდმა, ქართლის კათალიკოსმა. არსენი II, ასევე ქართლის კათალიკოსმა, წმ. იოანე ზედაზნელისა და მისი მოწაფების, ასევე ცალკე წმ. შიოს და მისი მოწაფის უაგრეს ღვაწლი აღწერა. შემდგვ დაიწყეს ამ ოხულებათა გადამტაფრასება. გვიანდელი სვინაქსარული გარიანტითაა შემონახული ისე წილქნელის, ანტონ მარტყოფელისა და იოსებ ალავერდელის „ცხოვრებანი“. ასურელ მამათა შესახებ ცნობები შემოგვინახეს „ქართლის მოქცევაშ“ და ვახტანგ გორგასლის „ცხოვრების“ გაგრძელებამ¹. სირიელ მამათა ცხოვრებათა არქეტიპები გამოსცა ს. კაკაბაძემ². უძველესი ქართული საისტორიო ტრადიციით ასურელი მამების რიცხვი ცამეტი იყო (იოანე ზედაზნელი, შიო მღვიმელი, დავით გარეჯელი, ანტონ მარტყოფელი, აბიბოს ნეკროსელი, ისე წილქნელი, მიქაელ ულუმბორელი, სტეფანე ხირსელი, თათე სტეფანწმინდელი, ზენონ იყალთოელი, ისიდორე სამთავრული, პიროს ბრეთელი, ელია დიაკონი). სირიელი ბერები იოანე ზედაზნელის მოთავეობით ჩამოვიდნენ საქართველოში, რადგანაც იოანე თავიდანვე „ელტვოდა... კაცთა მიერსა დიდებასა, რომელი ფრიად მავნებელ ექმნების მრავალთა და შეაციუნებს მათ გზისაგან საღმრთოსა და მთხრებლად წარწერებისა და შთაიყვანებს, ვითარ იგი ძუელ ოდესმე ზუავითა იგი და ამპარტავანი, სულით მოქადული და დადგმასა საყდართასა ღრუბელთა ზედა, ამპარტავანებისა ძლით, ბეჭედთა შინა უღრმესთა ჯოჯოხეთისათა შთავრდომილ იქმნა, ამას ბოროტსა ვნებასა ვითარცა მაკუდინებელსა რასამე მგესლსა განმხდელი განიორტებდა და აღმხუმელი ფრთეთა სულიერთა წარივლტვოდა უდაბნოდ განსუენებისად, რომელთა თანა მოწაფეთა მისთა, რათა მხოლოდ სულითათვის მოცალე ქმნულსა შემოკრებად აქუნდეს გონებად წურთად და ქმნად მათდა, რომელი აღასუბუქებენ სულსა ხორციათა თანა ვნებათავან³. რადგანაც წმ. იოანე ამქვეყნიურ ამაოებასა და უერადღებას ელტვოდა, მან უცხო მსარეში წასვლა გადაწყვიტა, რის შესახებაც

¹ ასურელ მოღვწეთა ცხოვრების წიგნთა ძველი რედაქციიები, ტექსტი გამოკვლევითა და ლექსიკონით გამოსცა იღ. აბელაძემ, თბ., 1955, გვ. 7-68.

² ასურელ მამათა ცხოვრებათა არქეტიპები, გამოსცა ს. კაკაბაძემ, საისტორიო კრუბული, I წიგნის დამატება. ტფ., 1928. გვ. 1-18.

³ საქართველოს სამოთხე, გამოცემული გობრონ პავლეს ძე საბინინის მიერ, პეტერბურდი, 1882, გვ. 196

თავის მოწაფებს აუწყა. მოწაფებმაც თავიანთ მოძღვართან ერთად წასკლა გადაწყვიტეს⁴.

ქართულ ისტორიოგრაფიაში უკვე XIX საუკუნეში ჩნდება დაინტერესება ასურელი მამების მოღვაწეობით, თუმცა აღნიშნული საკითხისათვის სპეციალური მონოგრაფია ან რამე საგანგებო გამოკვლევა არავის მიუღვინა. XIX საუკუნეში ჩვენთვის საინტერესო თემა მხოლოდ ქართული კულტურისა და ზოგადად საქართველოს პოლიტიკური თუ საეკლესიო ისტორიის კონტექსტში აინტერესებდათ. XIX საუკუნეშდე სირიელი მამების საკითხს შექო ვახუშტი ბატონიშვილი. მისი თქმით, მეფე ფარსმან V-ის შემდეგ „მეფედ დაჯდა მმისწული მისი ფარსმან მეფისა ფარსმანვე სახელით; არამედ იყო ფრიად მორწმუნე და ჰმატა ეკლესიათა; დროსა ამისსა მოკვდა კათალიკოზი ჩიგირმან და დასვა საბა. ამიერითგან არღარა მოიყვანდიან საბერძნეთიდამ კათალიკოზსა, არამედ დასხმიდიან წარჩინებულ დიდებულთა. კუალად მოკვდა კათალიკოზი საბა; ამანვე დასვა ეკლალიოს. ამისვე-ზე მოვიდნენ ათცამეტნი მამანი შუა-მდინარიდამ. მიეგება ეკლალიოს კათალიკოზი და მოიკითხა ასურულითა ენითა; ხოლო მათ „ქართულ პასუხ-უგეს, რამეთუ უცნობელ იყვნენ ორნივ ენათა ურთიერთა“⁵. შემდეგ ვახუშტი ჩამოთვლის ასურელ მამათა სახელებს და აღნიშნავს, რომ ისინი იყვნენ „განმანათლებელნი და აღმშენებელნი ეკლესია-მონასტერთანი ქართლისათანი“. ვახუშტი ასურელ მამათა საქართველოში ჩამოსვლის თარიღს ფარსმან მეფეების მეფობაში ათვასებს (542-557 წწ.). ცხადია, საქართველოს ისტორიაში ამ უმნიშვნელოვანების მოვლენას გვერდს ვერ აუკლიდა ქართული საეკლესიო ისტორიის კვლევის პიონერი პლ. იოსელიანიც.

პლ. იოსელიანი ვახუშტიზე დაყრდნობით ამბობს, რომ ფარსმანის მეფობისას ქართლში ცამეტი სირიელი მამა ჩამოვიდა. ისტორიკოსი ხაზს უსვამს იმ სასწაულს, რომელიც მეფის, კათალიკოსის, მორწმუნე ერისა და ასურელი მამების შეხვედრისას მოხდა (ასურელ მამათა მიერ მდინარის შშრალი ფეხებით გადოლახვა და მათი ქართულ ენაზე აქეტყველება). მკლევარი წყაროებზე დაყრდნობით ჩამოთვლის მათ სახელებს, მოღვაწეობის ხასიათს და მათ მიერ დაარსებულ მონასტრებზე, მათ მნიშვნელობაზე საუბრობს⁶.

აღნიშნულ საკითხს თავის ნაშრომში შექო ა. მურავიოვიც. რუსი მოგზაური ასევე წყაროებზე დაყრდნობით აღწერდა სირიელ მამათა ცხოვრებას და ხაზს უსვამდა მათი მოღვაწეობის უდიდეს მნიშვნელობას საქართველოსთვის.⁷ მ. ბროსე თვლიდა, რომ სირიელი მამები საქართველოში თავად

⁴ ოქმე, გვ. 197-198.

⁵ ვ. ბატონიშვილი, საქართველოს ისტორია, ტფ. 1885, გვ. 104

⁶ Пл. Иоселиани, Краткая история Грузинской церкви, СПБ, 1843. Ст. 41-49.

⁷ А. Муравьев, Грузия и Армения, I, СПБ, 1848, Ст. 235-254.

მეცენ ფარსმანმა „დაიბარა“, ოუმცა რა წყაროს კურდნობოდა ამ შემთხვევაში მკალევარი, უცნობია⁸. მ. ბროსეც სხვა რაიმე განსაკუთრებულ სიახლეს არ გვთავაზოს და აღნიშნულ საკითხე მსჯელობისას მთლიანად წყაროებს კურდნობა (რაც, ჩვენი აზრით, უფრო სწორია, ვიდრე საკუთარი ფანტაზია „კორექტირებული“ წყაროები). დ. ფურცელაძე (მკალევარი, რომელმაც პირველმა მოგვცა საქართველოს კელესის ისტორიის პერიოდიზაცია) თვლიდა, რომ ასურელი მამები საქართველოში განდევილური ცხოვრების ფუძემდებლები იყვნენ. მისი აზრით, მათ მეუდაბნოების სამი სახე დანერგეს ჩვენს ქვეყანაში: დაყუდებულობა (რომლის წარმომადგენლადაც დ. ფურცელაძე წმ. შიო მღვიმელს თვლიდა), მესვეტეობა (რომლის ფუძემდებლადაც მკალევარს წმ. ანტონ მარტყოფელი მიაჩნდა) და თანაცხოვრება (რომლის დამაარსებელიც, მისი აზრით, წმ. დავით გარეჯელი იყო)⁹.

მ. ჯანაშვილი თვის გამოკვლევაში აღნიშნავს ფარსმან მქუთისა და ფარსმან მექქესის მეფობაში მომხდარ მოვლენებს და მათ შორის განსაკუთრებულად ცამეტი სირიელი მამის მოსვლას. ისტორიკოსი მიუთიებს იმ მოსაზრების შესახებ, რომლის მიხედვითაც ასურელი მოღვაწენი საქართველოში V საუკუნეში იყვნენ მოსულნი, ოუმცა არ ეთანხმება ამ აზრს და თვლის, რომ „ჩვენი წყაროების მოწმობით... ვახტანგის დროს შემოსულნი მამანი სულ სხვა პირნი ყოფილან და არა ზემორე ხსენებულნი“¹⁰. მ. ჯანაშვილის თქმით: „ამ მოღვაწეთა წყალობით და სხვა ქართველ მწყემსთა და მეფეთა მეცადინეობით, საქართველოში ვერ მოიღეს ფეხი ვერც შერყეულმა მოგვობამ და ვერც სხვა მწვალებლობამ, რომელიც ივერიის გარემო მდებარე ქვეყნებში წარმატებით ვრცელდებოდა და მკვიდრდებოდა, როგორც მაგალითად სომხეთში, ალბანეთში და სხვაგან“¹¹. მ. კელენჯერიძის აზრით, „საქართველოში მონასტრების გაშენება დაიწყო მას შემდეგ, რაც აქ მოვიდნენ სირიიდან სასულიერო პირები, რიცხვით ცამეტი, წოდებულნი სირიელ მამებად, და შეუდაგნენ სხვადასხვა ადგილზე საბერო მოღვაწეობას... დაწყებული ამ დროიდან საქართველოს სხვადასხვა მხარეში არსდებოდენ მონასტრები, რომლებსაც ქართველებისთვის დიდი მნიშვნელობა ჰქონდათ“¹².

კ. კეკელიძის თვალსაზრისით, სირიელ მამათა ცხოვრებათა ტექსტებმა ძლიერი რედაქტირება განიცადეს, ამიტომ მათში ბევრი რამე დაკარგული ან გადაკუთებულია. მისი შეხედულებით მათი რიცხვი გაცილებით მეტი იყო, ვიდრე ცამეტი. ისინი იყვნენ ანტიქალკედონიტი მონოფიზიტები და ბიზანტიის ხელისუფლების მიერ დაწყებულ მონოფიზიტთა დევნას გამო-

⁸ მ. ბროსე, საქართველოს ისტორია, 1895.

⁹ დ. პურცელაძე, კავказъ, N 49, 1862, ст. 538.

¹⁰ მ. ჯანაშვილი, საქართველოს საეკლესიო ისტორია, ტფ, 1886, გვ. 43, შენიშვნა N 1.

¹¹ იქვე, გვ. 49.

¹² მ. კელენჯერიძე, საქართველოს საკათოლიკო ეკლესიის მოკლე ისტორია, ქუთაისი, 1918, გვ. 65-66.

ექცნენ ქართლში¹³.

იფ. ჯავახიშვილი კი თელიდა, რომ ბერები დიოფაზიტები იყვნენ. ასურელ მამებზე გამოთქმული შეხედულებებისა და მათი ცხოვრების ამ-სახველი ტექსტების მიმოხილვის შემდეგ დიდი მეცნიერი ასკვნიდა, რომ „წმინდა სამონაზნო მოღვაწეობის გარდა, ასურელი მამების ცხოვრებათა გადამკეთებლებსაც შერჩენილი აქვთ ცნობა, რომ ისინი საქართველოში მოსული იყვნენ საქადაგებლად, ქვეყნის განსამტკიცებლად „სარწმუნოებითა მართლითა“ და „წმიდისა სამებისასა“, ე. ი. მართლმადიდებლობის გასაძლიერებლად“¹⁴. სირიელი მამების საკითხი XIX—XX საუკუნეებში ასევე ქებოდნენ შ. გულისაშვილი, ნ. მაჭარაშვილი, ა. ქუთათელაძე, დ. ჩუბინაშვილი, დ. ბაქრაძე, ა. ხახანაშვილი, მ. ცაგარელი, ილ. ფერაძე, მ. თამარაშვილი, ნ. პოკროვსკი, დ. ჯანაშვილი, გ. გამრეკელი, ი. გოგებაშვილი, თ. უორდანია, ვ. ბოლოტოვი, მ. თამარაშვილი, გრ. ფერაძე, მ. თარხნიშვილი, შ. ნუცუბიძე, ბ. ლომინაძე, ზ. ალექსიძე, ვ. გოლიაძე, დ. შერკვილაძე.

ასურელი მამების ქართლში ჩამოსვლის თარიღთან დაკავშირებით ისტორიკოსთა შორის აზრთა სხვადასხვაობაა. მკვლევართა ნაწილი მათი ქართლში ჩამოსვლის თარიღს VI საუკუნის II ნახევარში ათავსებს, ზოგი ამავე საუკუნის პირველ ნახევარში, ხოლო ნაწილი მეცნიერებისა თვლიდა, რომ სირიელი მამები საქართველოში სულაც V საუკუნეში იყვნენ ჩამოსულნი, თუმცა ეს უკანასკნელი მოსაზრება ყველაზე ნაკლებად დამაჯერებელია. როგორც აღვნიშნეთ, ვახუშტი ბატონიშვილს მიაჩნდა, რომ სახელგანთქმული მოღვაწენი საქართველოში ფარსმანის მეფობისას იყვნენ ჩამოსულნი და შესაბამისად მათი ჩამოსვლის თარიღს 542-557 წლებს შორის ათავსებდა. მ. ბროსეს აზრით, ისინი საქართველოში 553 წელს ჩამოსულან. VI საუკუნის 50-იან წლებში ათავსებდა ამ თარიღს მ. საბინიც. 551-557 წლებს შორის ჩამოსულებად მიიჩნევს მათ თ. უორდანია, მსგავსადვე ფიქრობდა საქართველოს მომავალი კათალიკოს-პატრიარქი კ. საძირიშვილი. მ. თამარაშვილი მათი ჩამოსვლის თარიღს 555-565 წლებს შორის გარაუდობდა.

პლ. იოსელიანს მათი ჩამოსვლის დრო საქართველოში მეხუთე საუკუნეში გადაპქონდა (445წ.). V საუკუნის მეორე ნახევარში მოსულებად თვლიდა ბერებს გრ. ფერაძე. ვ. ბოლოტოვმა აღნიშნულ საკითხთან დაკავშირებით რაიმე ერთი ზუსტად განსაზღვრული შეხედულების ჩამოყალიბება ვერ მოახერხა (ალბათ იმიტომ, რომ ქართული წყაროების მიმართ გადაჭარბებულ უძღობლობას იჩნდა). კ. კეკელიძე თავისი წინასწარ შემუშვებული შეხედულების (ჩვენი აზრით, სწორედ ეს იყო წყაროსადმი მიდგომის მისეული მეთოდოლოგიის სიმცდარის საფუძველი, რის გამოც

¹³ კ. კეკელიძე, საკითხი სირიელ მამათა ქართლში შემოსვლის შესახებ (კულტურული ისტორიული პრობლემა), თბილისის უნივერსიტეტის მოამბე, VI, 1926, გვ. 105-106.

¹⁴ იფ. ჯავახიშვილი, თბილისის, I, თბ. 1979, გვ. 411.

დიდმა მეცნიერმა სრულიად არასწორი დასკვნები გააკეთა, რაც შემდგომმა კვლევებმაც დაადასტურა) დასამტკიცებლად აცხადებდა, რომ სირიელი მამები სამ ჯგუფად მოვიდნენ საქართველოში და ამ ჯგუფების მოსკლას სპეციალურად ახლო აღმოსავლეთში ბიზანტიის მიერ გაჩაღებულ მონოფიზიტთა დევნებს ამთხვევდა.

ვგ. ჯავახიშვილის აზრით, დავით გარეჯელი V საუკუნის ბოლოს ან VI საუკუნის დასაწყისში ჩანს ჩამოსული, იოანე ზედაზნელი მოწაფეებითურთ — VI საუკუნის შუა ხანებისათვის, ხოლო აბიბოს ნეკრესელი — VI საუკუნის დამლევს¹⁵. ლ. მენაბდე ეთანხმებოდა კ. კეკელიძეს ასურელ მოღვაწეთა მონოფიზიტობის საკითხში და თვლიდა, რომ ისინი საქართველოში 540-542 წლებში იყვნენ მოსულები (თუმცა ლ. მენაბდის შეხედულებით სირიელი მამები საქართველოში სამ ჯგუფად არ უნდა მოსულიყვნენ). მ. თარხნიშვილი ძირითადად ეთანხმება ვგ. ჯავახიშვილს და თვლის, რომ სირიელი მოღვაწენი საქართველოში VI საუკუნის შუა ხანებისათვის უნდა მოსულიყვნენ. შ. ნუცუბიძე საქართველოში მათ მოსვლას პლატონის აკადემიის დახურვას უკავშირებს (529 წ.). კ. გოლაძე ფიქრობს, რომ მოღვაწენი საქართველოში VI საუკუნის 20-იანი წლების ბოლოსათვის უნდა მოსულიყვნენ, ხოლო მიტროპოლიტ ანანია ჯაფარიძის შეხედულებით მათი მოსვლის თარიღი VI საუკუნის 40-იანი წლებია.

ეს განსხვავებული შეხედულებები ჩვენთვის საინტერესო საკითხზე დ. მერკვილაძეს მიმოხილული აქვს თავის ნაშრომში სირიელი მამების შესახებ. იგი სირიელ მამათა ქართლში მოსვლის თარიღის დასაღვენად რამდენიმე შეტ-ნაკლებად სარწმუნო ორიენტირს იღებს: ფარსმანის მეფობა და ევლალეს კათალიკოსობა ქართლში, ბიზანტიაში იუსტინიანეს მეფობა, ევლალეს შემდგვ მაკარის კათალიკოსობა, წმ. სვიმეონ მესვეტის (უმცროსის) მოხსენიება სირიელ მამათა თანამედროვედ, ელიას (ილიას) პატრიარქობა იერუსალიმში (რასაც სერიოზული არევ-დარევა შეაქვს ჩვენთვის საინტერესო საკითხის გადაწყვეტაში, თუმცა ირკვევა, რომ მისი მოხსენიება შეცდომის ბრალი უნდა იყოს), წმ. ანტონის ქართლში გამომგზავრება ედესის ალყის ჟამს, ქართლში სპარსთა მარზპანის მმართველობა, წმ. აბიბოს ნეკრესელის წინასწარმეტყველება ქართლში ბერძენთა შემოსვლასა და მათ მიერ სპარსელთა განდევნასთან დაკავშირებით, ბიზანტიელების ომი ტასკუნებთან და წმ. იოანეს შემოსვლა ქართლში ქართლის მოქცევიდან მეორასე წელს¹⁶. დ. მერკვილაძის აზრით, ქართლში მეფობა 523 წელს არ გაუქმებულა. პროკოფი კესარიელის თხრობას გურგენის აჯანყებისა და სპარსელთა მიერ მის განდევნასთან დაკავშირებით მკვლევარი დას. ქართლში მომხდარ მოვლენას უკავშირებს. ისტორიკოსის აზრით, ქართლში

¹⁵ ვგ. ჯავახიშვილი, თხზულებანი... გვ. 409-410.

¹⁶ დ. მერკვილაძე, ასურელი მამები — VI საუკუნის სირიელი მოღვაწენი საქართველოში, I, 2006, გვ. 57-58.

სპარსელთა ბატონობის გაუქმება 540 წელს ბიზანტიასა და სპარსეთს შორის განახლებული ომის წინა ხანებში უნდა მომხდარიყო¹⁷. რადგანაც წმ. ანტონის ცხოვრების ავტორი წმინდანის ქართლში შემობრძანებას ედესის აღებას უკავშირებს, მკვლევარიც ანტონ მარტყოფელის ქართლში შემოსვლას ედესის აღების თარიღით განსაზღვრავს.

„რადგანაც წმ. ანტონი უშუალოდ ამ საბრძოლო მოქმედებების შემდევ მოემართება ქართლისაკენ, ეს ბრძოლები კი 544 წელს მიმდინარეობდა, ხოლო ამ დროისათვის იოანე და მისი მოწაფები უკვე გამომგზავრებული არიან ანტიოქიიდან, მათი ეს გამომგზავრება 544 წლამდეა საგულისხმებელი. თუკი იმასაც გავითვალისწინებთ, რომ ქართლში 541 წ. სამეფო ხელისუფლება აღარ არსებობს, რომლის გაუქმება, როგორც აღვნიშნეთ, სპარსეთ-ბიზანტიას შორის 540 წ. განახლებული ომის დასაწყისისათვის ან უშუალოდ ომის წინ უნდა მომხდარიყო, მამების ქართლში მოსვლა 541 წლამდე, ან უფრო ზუსტად, სპარსეთ-ბიზანტიის ომის დაწყებამდეც (540 წ.) კია საურაუდებელი.“¹⁸ მკვლევარი ყურადღებას ამახვილებს ასურელი მამების მიერ წმ. სვიმეონ მესვეტისგან კურთხევის აღებაზე და ფიქრობს, რომ მათ სახელგანთქმული ასკეტისაგან კურთხევა არა წმ. სვიმეონის საკვირველ მთაზე ყოფნის პერიოდში, არამედ მანამადე უნდა აეღოთ ამიტომ ისტორიკოსი ასურელ მამათა ქართლში მოსვლას 528-540 წლებით განსაზღვრავს (რადგან წმ. სვიმეონი საკვირველ მთაზე 540 წლის ბოლოს ან 541 წლის დასაწყისში ავიდა, ხოლო ბერად 528 წელს აღიკვეცა). მისი აზრით, სირიელმა მამებმა მოღვაწისაგან კურთხევა წმ. სვიმეონის დიაკვნად ხელთდასხმის შემდეგ აიღეს (ანუ 532 წლის შემდეგ). „აქვე უნდა გავითვალისწინოთ, უცხო ქვეყანაში გასამგზავრუბლად მოშაადებას და თვით მგზავრობასაც ასეთ მანძილზე გარკვეული დრო რომ ესაჭირეობოდა. არც ის უნდა დაგვაფიწყდეს, მოულ ამ გრძელ გზას ბერები ფქნით (თანაც „უხამლონი“) რომ გადიან. მაშასადამე, ნაკლებ სავარაუდებელია, ასურელ მამებს ქართლში 533 წლამდე რომ მოეღწიათ“¹⁹. რამდენადაც, მკვლევრის აზრით, ფარსმანს, ქართლის მეფეს, VI საუკუნის ოცდაათიანი წლების ბოლოსთვის უნდა ემეფა, ამდენად ასურელი მამების ქართლში შემოსვლის თარიღს 533-537 წლებში მოაქცევს, შემდგომ კი, შიომღვიმის არქიმანდრიტის დოსითოზის საბუთზე დაყრდნობით, ასურელ მამათა ქართლში შემოსვლის თარიღს 535 წლით განსაზღვრავს²⁰.

ჩვენ მკვლევარის ეს საინტერესო დასკვნები საკამაოოდ გვეჩვენება და ვთვლით, რომ ასურელ მამათა ქართლში მოსვლა უფრო 543 წელსაა სავარაუდებელი. ერთ-ერთ ძირითად არგუმენტად დ. მერკვილაძე 540 წელს ქართლში მეფობის გაუქმებას მიიჩნევს (ასევე წმ. სვიმეონ მესვეტის საკ-

¹⁷ ოქან. გვ. 60-62.

¹⁸ ოქან.

¹⁹ ოქან. გვ. 67-70.

²⁰ ოქან. გვ. 71-73.

ვირველ მთაზე არყოფნას ასურელ მამათა მასთან მისვლის მომენტში, რაც თაგად წმინდა სეიმეონის „ცხოვრების“ ტექსტის მიხედვით საკამათოა), რაც ასევე საეჭვოა. მკვლევარი გ. შარაშიძე თვლის, რომ ქართლში მეფობა არა VI საუკუნის პირველ ნახევარში, არამედ 570 წელს გაუქმდა. მისი შეხედულებით, სპარსეთმა ქართლის დამოუკიდებლობა ძლიერ შეზღუდა, თუმცა ადგილობრივი მმართველობის აპარატი არ გაუუქმდა, რადგან ბიზანტიელი ისტორიკოსები ქართლის მეფებს 523 წლის შემდგაც იხსენიებენ (თუმცა გ. შარაშიძეს, ჩვენი შეხედულებით, მცდარი დასკვნა გამოაქვს ასურელი მამების ქართლში შემოსვლის თარიღთან დაკავშირებით, რადგანაც ფარსმან მეექვის მეფობას 556 ან 559 წლის შემდგე ვარაუდობს). „შესაბამისად, ქართველებს თვითონ ჰქონდათ შესაძლებლობა, მიეჩნიათ საკუთარი მმართველი სუვერენად და არა სპარსეთის ვასალად. ამგვარ სურათს ჯუანშერის ცნობებიც აღასტურებს: ფარსმანმა (541-556) წერილობით აღუთქა სპარსთა მეფეს მორჩილება და მსახურება; და კმაყოფილმა სპარსთა მეფემ დატოვა საქართველო. ეს მაგალითი ყველაზე უკეთ გვიჩვენებს, თუ რას მოითხოვდა სპარსეთი: იბერიელთა მეფეს არ უნდა ჰქონდეს დამოუკიდებელი სახელმწიფო“²¹. შესაბამისად, 540 წელს ქართლში მეფობის გაუქმება, ჩვენი ვარაუდით, დამაჯერებლობას კარგავს. ჩვენი აზრით, ვახუშტისეული ქრონიკოლოგია სწორია, როდესაც ის ასურელ მამათა ქართლში შემობრძანებას მეფე ფარსმან მეექვის მეფობაში, ე.ო. 542-557 წლებში ათვესებს. თუკი ამას ედესის ალყის თარიღს დაუკავშირებთ, იოანე ზედაზნელი მოწაფეებითურთ საქართველოში 543 წელს უნდა შემოსულიყო, ხოლო ანტონ მარტყოფელი — 545 წელს.

XX საუკუნემდე არც ერთ ისტორიკოსს ეჭვევეშ არ დაუყენებია ასურელ მამათა ქალკედონური მრწამსი. კ. კეკლიძემ 1926 წელს გამოქვეყნებულ სტატიაში, რომელიც ასურელ მამებს ეძღვნებოდა, საქართველოში შემოსული სირიელი მოღვაწენი მონოფიზიტებად გამოაცხადა. როგორც აღვნიშნეთ, კ. კეკლიძემ საქართველოში მათი ჩამოსვლა VI საუკუნეში სირიაში მონოფიზიტთა წინააღმდევ აგორებულ სასტიკ რეპრესიებს დაუკავშირა. „ჩვენ გვგონია, რომ უგრებდოდებულნი „ათცამეტი ასურელი მამები“, — წერდა მკვლევარი, — იყვნენ მონოფიზიტები, რომელნიც გამოქცევიან მონოფიზიტთა დენულობას სირიაში და ჩვენში მოსულან... შემდეგში, როდესაც ჩვენში დიოფიზიტობას გაუმარჯვნია საბოლოოდ, ამ მამების მოღვაწეობისათვის დიოფიზიტური ელფერი მიუციათ, წმიდათა რიცხვში მოუქცევიათ ისინი და დღესასწაულებიც კი დაუწესებიათ მათი სახელობისა“²². ამავე აზრს იმეორებდა ლ. მენაბდე, მხოლოდ

²¹ გ. შარაშიძე, შესაბამის ქართველი ფეოდალიზმის კვლევაში (გიორგი ბრწყინვალის „ძვლის დაღება“), მოდერნულობის ისტორია და თეორია, 2, თბ. 2011, გვ. 123-126.

²² კ. კეკლიძე, საკითხი სირიელ მოღვაწეთა ქართლში შემოსვლის შესახებ, თბილისის უნივერსიტეტის მოამბე, VI, 1926, გვ. 96.

ზოგიერთ საკითხში არ ეთანხმებოდა დიდ მეცნიერს²³. დღესდღეისობით კ. კეკელიძის შეხედულება სირიელ მამათა მონოფიზიტობის შესახებ ქართულ ისტორიოგრაფიაში უარყოფილია. მათი დიოფიზიტობის სასარგებლოდ მრავალი არგუმენტი არსებობს. ქართული წყაროები მათ „სჯულის განმტენდლებად“ სახავს. გარდა ამისა, VII საუკუნის დასაწყისისათვის ქართლში იძღვნად მომძლავრებული ყოფილა დიოფიზიტობა, რომ ამას სომხურ კელესიასთან განხეთქილება მოჰყვა. სირიელ მამათა მოღვაწეობის მასშტაბებისა და გავლენის გათვალისწინებით მათი მონოფიზიტობის შემთხვევაში ქართლში გადამწყვეტი უპირატესობა სწორედ მონოფიზიტობას უნდა მოეპოვებინა. ისტორიული სინამდვილე კი სხვაგვარია: ქართლში საბოლოოდ განმტკიცდა დიოფიზიტური მრწამისი²⁴. კ. კეკელიძის შეხედულებათა კრიტიკა მოგვცა იფ. ჯავახიშვილმა²⁵

ქართულ ისტორიოგრაფიაში სირიელ მამებთან დაკავშირებით წამოჭრილ საკითხთა შორის ერთ-ერთი მნიშვნელოვანი პრობლემაა სახელგანთქმულ მოღვაწეთა სადაურობა. წყაროებიდან ვგებულობთ, რომ შუა საუკუნეების ქართველებისთვის მათი სადაურობა საეჭვო და საკამათო არ იყო. ქართლში შემოსული მამები სირიელები, სემიტური ქრისტიანული სამყაროს შვილები იყვნენ. სწორედ ამიტომ დაარქვეს ძველმა ქართველებმა მათ „ასურელი მამები“. მათი ქართული წარმომავლობა ქართველ მემატიანებს არავითარ შემთხვევაში არ გამორჩებოდათ, რადგანაც ქართული წყაროები ძალიან ხშირად (თთქმის ყოველთვის) და ძალიან ზუსტად გადმოგვცემენ ცნობებს ამა თუ იმ მოღვაწის სადაურობის შესახებ, მით უმეტეს არ გამორჩებოდათ ასეთი მასშტაბის ასკეტების, ქართული ბერმონაზვნობისა და კულტურის კრების დამაარსებელთა ქართველობა, მაგრამ ქართული წყაროები მუდმივად ხაზს უსვამენ მათ ეთნიკურ კუთვნილებას სემიტური, სირიული სამყაროსადმი და ჩვენ არავითარი უფლება არ გვაქვს, ეჭვი შევიტანოთ ამ ცნობათა სიზუსტეში.

თუმცა XIX საუკუნეში ძველი ქართული წყაროების ცნობები გადაიაზრეს და ასურელი მოღვაწენი კაპადოკიელ ქართველებად გამოაცხადეს. რადგანაც კაპადოკია, მკვლევართა აზრით, უძველესი დროიდან ქართველური მოდგმის ხალხებით იყო დასახლებული (საერთოდ მეცნიერული კვლევა-ძიებით ირკვევა, რომ ქართველური მოდგმის ხალხები — მუშქები, თუბალები, კარდუხები — მთელი ახლო აღმოსავლეთის მასშტაბით იყვნენ განსახლებული და დიდი წვლილიც შეპქონდათ უძველესი თუ ანტიკური ახლო აღმოსავლეთის კულტურასა და ისტორიაში), შესაბამისად ასურელი მამების სირიელებად ჩათვლა შეცდომად მიიჩნიეს.

პირველად დ. ჩუბინაშვილმა გამოთქვა მოსაზრება, რომლის მიხედვით-

²³ დ. მერკვილაძე, ასურელი მამები... გვ. 155-170.

²⁴ იქვე.

²⁵ ფ. ჯავახიშვილი, თხზულებანი, I, თბ. 1979, გვ. 410-415.

აც სირიელი მამები სინამდვილეში არა სირიელები, არამედ კაპადოკიელი ქართველები იყვნენ. ეს აზრი სწრაფადვე გაურცელდა XIX საუკუნის ისტორიოგრაფიასა და პუბლიცისტიკაში. ამ შეხედულებას იმეორებდნენ მ. ჯანაშვილი, კ. ცინცაძე, კ. საძაგლიშვილი, ალ. ჭყონია, ი. გოგებაშვილი და ა. შ. ქართველ მონოგრაფიტებად თვლიდა ასურელ მამებს კ. კეკლიძე, ხოლო ს. კაკაბაძე ზოგიერთი მათგანის ქართველობას ვარაუდობდა²⁶.

საინტერესო და მნიშვნელოვანი გამოკვლევა მიუძღვნა ამ საკითხს კ. გოლიაძემ. ავტორი ვრცლად მიმოიხილავს ქართველთა კავშირს ახლო აღმოსავლეთთან, განსაკუთრებით კი შუა მდინარეთთან. მკვლევარი ზაზს უსვამს ძველ აღმოსავლეთში ქართველთა ვრცელ განსახლებას. კ. გოლიაძე ცურადებას აქცევს ჯუანშერის ძალიან საინტერესო ცნობას, რომლის მიხედვითაც შუამდინარეთის ნახევარი (ჯუანშერის მიხედვით, ე. წ. ჯიზარეთი) ქართველთა კუთვნილება იყო. „ცნობას, ჩემი ვარაუდით, უძველესი დროიდან მომავალი და V საუკუნეში ჯუანშერის თანადროულ ქართლში ჯერ კიდევ არსებული, ის საისტორიო ტრადიცია ედებოდა საფუძვლად, რომელიც ჩრდ. შუამდინარეთსა და მის მიმდებარე რაიონებში ქართველთა და მათი მონათესავე ტოშების განსახლების ფაქტს ემყარებოდა“²⁷. მკვლევარი ვრცელ მსჯელობას უძღვნის უძველესი ახლო აღმოსავლეთის ტერიტორიაზე ქართველთა ფართოდ განსახლების შესაძლებლობას და სპეციალური ლიტერატურისა და სხვადასხვა წყაროს მონაცემთა საფუძველზე, ჩვენი აზრით, სრულიად დამაჯერებლად გვიჩვენებს ქართველურ ხალხთა დიდ როლსა და ადგილს ძველი აღმოსავლეთის კულტურასა და ისტორიაში. „ქართულ სამყაროს ჩრდ. შუამდინარეთთან, მის დიდ სავაჭრო და კულტურულ ცენტრებთან, ძველთაგანვე, არა მარტო მჭიდრო ეკონომიკური და კულტურული კავშირები ჰქონდა (ვიდრე ზღვისპირა სირიასთან), არამედ ჩრდ. შუამდინარეთი თავისი ხურიტულ-არამეული და ქართველური მოსახლებით ის უძველესი კულტურული ქვეყანა იყო, სადაც საუკუნეთა განმავლობაში ჩამოყალიბებული ტრადიციები განაგრძობდა არსებობას. ამ ტრადიციებზე თავის შხრივ დიდი იყო ელინისტური გავლენა. სირიული განათლების მნიშვნელოვანი ცენტრები სწორედ შუამდინარეთში მდებარებდნენ. ერთ-ერთი ასეთი იყო პატარა ელინისტური სამთავროს ოსროენას დედაქალაქი ედესა. ედესაში იყო ჩრდ. შუამდინარეთში ცნობილი უძველესი სკოლა-აკადემია (მასში ცოდნას ეუფლებოდნენ, როგორც სასულიერო, ისე საერო დისციპლინებში). ედესის აკადემიას უდიდესი მნიშვნელობა ჰქონდა არა მხოლოდ სირიელთათვის. ედესაში სასწავლებლად ჩადიოდნენ მეზობელი ქვეყნებიდანაც“²⁸.

ავტორი თვლის, რომ ასურელი მამები, რომლებიც შეგნებით ქა-

²⁶ დ. მერკვილაძე, ასურელი მამები... გვ. 170-180.

²⁷ კ. გოლიაძე, ასურელ მამათა სამშობლო და საქართველო, თბ. 2002, გვ. 27.

²⁸ იქვე, გვ. 144.

როველები იყვნენ, სწორედ ედესიდან უნდა წამოსულიყვნენ საქართველოში, რასაც ჩვენ ვერაფრით ვერ დავეთახმებით. აქ საქმე ისევ წყაროს არასწორ ინტერპრეტაციასთან გახქვს. ასურელ მამათა ცხოვრების ამსახველ არც ერთ თხზულებაში, ასევე არც სხვა რომელიმე ქართულ შუასუკუნეობრივ ხარატიულ თუ ეპიგრაფიკულ წყაროებში, სირიელი მამების ქართულ წარმომავლობაზე (ან მათ მონოფიზიტობაზე, თუმცა ვ. გოლაძე მათ დიოფიზიტებად თვლის) ოდნავი მინიშნებაც კი არ არის, მაგრამ მკვლევრები, ხშირად არ გააჩნიათ რა რაიმე ხელმოსაჭიდი ცნობა, საკუთარ ინტერპრეტაციას მიმართავნ და წყაროებს თავიანთი შეხედულების დასამტკიცებლად თავისებურად, უაღრესად სუბიექტურად განმარტავნ. შესაბამისად, უნდა დაგასკვნათ, რომ ქართლში მოსული ასურელი მამები სირიელი დიოფიზიტი მოღვაწები იყვნენ.

აუცილებლად უნდა აღვნიშნოთ სირიელ მამათა მოღვაწეობის ხასიათი. ისინი ქართულ ეკლესიას მძიმე უამს მოვლინენ, როდესაც ქართლში სპარსეთის გავლენით მომძლავრებული იყო მონოფიზიტობა და ცეცხლთავებისმცემლობა. სირიელმა მამებმა თავიანთი ასკეტიზმითა და მოშურნეობით მთელი ქვეყანა „განაკვირვეს“ და უამრავ ადამიანს გაუწოდეს დაზმარების ხელი სასწაულთქმედებებითა და სულიერი და ხორციელი კურნების ნიჭით. ასურელ მამათა ცხოვრებიდან ჩვენ ვხედავთ ასკეტიზმის იდეალს, სახეს ასკეტისა, რომელმაც დაძლია საკუთარი ხაკლულობნება, გადალახა დაცემული ბუნების საზღვრები და უკვე მიწაზე, ამ სამყაროშივე დაიწყო ცათა სასუჯველში ცხოვრება. სწორედ ქრისტიანული პატრისტიკიდან გამოდინარე უნდა გავიგოთ და აჯხსნათ ასურელი მამების ცხოვრებათა რეალოები და არა სხვადასხვა ფილოსოფიურ მიმდინარეობათა გავლენითა თუ შეასუუნების ლიტერატურაში დამკვიდრებული „შაბლონებით“.

წმინდანი უნივერსალური ხასიათისაა, მას დაძლეული აქვს ცოდვილი ბუნება, ქრისტესთან ცოცხალი ურთიერთობით და საკუთარი სულიერი გამოცდილებით იცის მრავალი საიდუმლო და სწოდება საღვთისმეტყველო სიღრმეებს, თუნდაც ინტელექტუალურად სრულიად უწიგნური იყოს. ღმერთისა და ასკეტის ურთიერთობას შესანიშნავად ასახავს დიდი წმინდანის, სვიმეონ ღვთისმეტყველის სიტყვები, რომლითაც იგი ღმერთს მიმართავს: „გმადლობ, უფალო, რომ გამიხსენე სოფელში მე, რომელიც ამქვეყნად ვარსებობდი და შენზე არაფერი ვუწყოდი, თავად გამომარჩიე, გამრიყე ამა სოფლიდან და შენი დიდების პირისპირ დამაყენე. ამიერიდან უკუნისამდე ჩემთან ჰგიე, უფალო, რათა განუწყვეტლივ გჭვრუტდე, მკვდარი ცოცხალი ვიყო და უბადრუები – უმდიდრესი“.²⁹

წმ. გრიგოლ პალამას თქმით, „ღმერთშემოსილნი მამანი ჩვენი მოძღვრებას მაღალს სახარების წყალობისა და მაღლის შესახებ მოხუცის ყუ-

²⁹ წმინდა მამათა საღვთისმეტყველო შრომების თარგმნები, წმ. სვიმეონ ახალი ღვთისმეტყველო, ღოცელ ფრენების სამებისადმი, თარგმანი მათა ინდუშვილისა, თბ. 2004, გვ. 20.

რსა და გონებასაც უფარდებენ და დაწვრილებით განმარტავენ თავიანთი პირით, ისე რომ ჩვენთვის არა-სრულქმილთათვის, შესაფარდებლადაც იღვწიან. ვითარცა მექუმურნი დედანი სიყვარულით უწვრილებენ შვილთა შედარებით მაგარ ჭამალს, რათა დაღეჭონ და კეთილად შეირგონ. დიალ, ხორციელ დედათა პირში სოფლდება და რბილდება ჭამადი შვილთა, ასევე ღმერთშემოსილ მამათა გულში საფიქრალი სარგო საზრდელად ექმნებათ მსმენელთა და სარწმუნოებით მინდობილთა სულებს³⁰.

ვნებათა და ცოდვათაგან განწმენდილმა ადამიანებმა უშუალოდ ღმერთისაგან, სულიწმიდისაგან უწყიან საღვთო სწავლება მთელი სიზუსტითა და ჭყშმარიტებით. ვფიქრობთ, სწორედ ამ გაგებით, უპირველეს ყოვლისა, პატრისტიკული სულისკეთუბიძან და მსოფლშედველობიდან გამომდინარე, უნდა მივუდგეთ ძველ ქართულ ლიტერატურას და არა ჩვენეული ინტერპრეტაციითა და ფანტაზიით, როდესაც წყაროებში იმას ვეძებთ, რაც არ არის და რისი დანახვაც ჩვენ გვინდა (ამგვარი მეთოდოლოგიის სიმცდარე ბევრ არასწორ დასკვნას განაპირობებს, ამგვარი მეთოდის საფუძველი წყაროსადმი გადაჭარბებული უნდობლობაა).

ასე რომ, ვერაფრით დავეთან ხშებით რ. სირაძეს, როდესაც პატიცცემული მკვლევარი ასურელ მამებთან კავშირში აცხადებს, რომ „განდევილობა მხოლოდ „სოფლის მდურვად“ ვერ ჩაითვლება. მისი მიზანი შეიძლება იყოს თავის თავთან ყოფნა, შემოქმედებითი მარტოობა, როცა ექვთიმე ათონელი ტოვებს ივირონის მონასტრის წინამდლვრობას, რათა მოლიანად მიეცეს მწიგნობრობას, ესაა უკვე ბერის ახალი განდგომა. მარტოობისკენ სწრაფვა ხშირად ამაღლებისკენ სწრაფვაა, მარტოსულობის განცდაც ხშირად ამაღლებული სულის წუხილია“³¹. — არავითარი „ბერის ახალი განდგომა“ ასკეტიზმის ისტორიაში ცნობილი არ არის. ასკეტიზმისათვის არსებითად უცხოა განმარტოებისაკენ ეს რომანტიკული და „ამაღლებული“ სწრაფვა, რომელიც შემდგომდროინდელი ევროპული რომანტიზმისთვისაა დამახასიათებელი (მარტოსულობა, დარღი ამქვეყნიურ ამაოებაზე, ძეველი დროების მოხატუება და ა. შ.). ქრისტიანი ასკეტი არაა დეპრესიითა და ამქვეყნიური ამაოებით გატანჯული ადამიანი, რომელსაც სულები და ფანტასტიკური არსებები ელანდება. ქრისტიანი ასკეტი ყოველგვარი რომანტიკული ამაღლებულობისაგან და მეოცნებელისაგან შორსაა. ის საკუთარ თავში ებრძვის და სძლევს ბოროტებას. ის არ ებრძვის სხეულს, არამედ გარდაქმნის მას და იმ მდგომარეობაში აბრუნებს, როგორადაც თავდაპირეელად ღმერთმა შექმნა. ასკეტი არა სამყაროზე გაბოროტებული და ემოციებისაგან დაცლილი ადამიანი, არამედ ჯანსაღი გრძნობებითა და ღვთის მაღლით სავსე პიროვნებაა, რომელიც სულიერად

³⁰ გრიგორ პალამასი, 34-ე პომილია, ბიზანტიური მწერლობის ქრესტომათა (XIII ს. - XV ს. ნახევარი), IV თბ. 1996, გვ. 62.

³¹ რ. სირაძე, ქრისტიანული კულტურა და ქართული მწერლობა, I , თბ. 1992, გვ. 34.

და ხორციელად კურნავს ადამიანებს და ქმარება მათ, მიაღწიონ მთავარ მიზანს – განლმრთობას.

ასევე სრულიად მიუღებელი და გაუგებარია შ. ნუცუბიძის მსჯელობანი ზოგიერთი ასურელი მამის ამა თუ იმ ფილოსოფიურ მიმდინარეობისადმი მიკუთვნებასთან დაკავშირებით. შ. ნუცუბიძის თანახმად, ასურელი მამები საქართველოში 529 წელს ბიზანტიის ხელისუფლების მიერ პლატონის აკადემიის დახურვის შემდეგ ჩამოვიდნენ. მკვლევარის თანახმად „არსებული ძეგლების მიხედვით შეიძლება დავასკვნათ, რომ საქართველოში დაბრუნების შემდეგ „სირიელი მამები“ ყოველ შემთხვევაში ზოგიერთი მათგანი, ფილოსოფიურ მუშაობას მაინც განაგრძობდა“³². შ. ნუცუბიძის დასკვნით, ასურელ მამათაგან აბიბოს ნეკრესელი არისტოტელესეული ფიზიკალური მატერიალიზმისაკენ იხრებოდა, ხოლო დავით გარეჯელი – პლატონური იდეალიზმისაკენ³³. ძალიან დიდი სურვილი და მონდომებაა საჭირო, რათა აბიბოს ნეკრესელის სიტყვებში არისტოტელეს მატერიალიზმის ნიშნები ამოვიკითხოთ, ხოლო დავით გარეჯელის მოღვაწეობაში – პლატონური იდეალიზმი.

საერთოდ უნდა აღინიშნოს, რომ აგიოგრაფიის შესწავლას თავისი განსაკუთრებული სპეციფიკა აქვს. ვფიქრობთ, აგიოგრაფიული თხზულების განხილვისას ძირითადად პატრისტიკის მსოფლმხედველობრივი სამყაროთი უნდა ვიხელმძღვანელოთ, ასევე გავითვალისწინოთ ამ უარის თხზულების კომპოზიციის აგების თავისებურებანი და ის პრინციპები, რითაც შეუასეუნებში ხელმძღვანელობდნენ ავტორები თხზულების წერისას³⁴.

ქრისტიანი ასევეტი ჰარმონიულ დამოკიდებულებაშია მთელ გარე-მომცველ სამყაროსთან. რატომძაც რელიგიისა და ბუნების ურთიერთ-მიმართებაზე საუბრისას უფრო ხშირად ბუდიზმზე მახვილდება ყურადღება, სადაც ყოველი ცოცხალი არსების მოკვლა ცოდვად ითვლება, მაგრამ ცოცხალი არსებების, საერთოდ ბუნების დაზიანება ცოდვაა ქრისტიანობაშიც. ჩვენ ურიცხვი მაგალითის მოყვანა შეგვიძლია პატერიკებიდან, რომ ქრისტიანი ასევეტის უაღრესად ფაქტი დამოკიდებულება ვაჩვენოთ გარე-მომცველი სამყაროსა და ყოველი ცოცხალი არსებისადმი. „სხვადასხვა გარემოში მოხვედრილი წმინდა მამებისათვის უცხოა გამომრჩენი თვალით მშერა ბუნების წიაღისათვის, იმ წიაღისათვის, რომელმაც შიიღო ისინი და უზრუნველყო თავშესაფრითა და საზრდოოთ... ასურელ მამებს მუდაბ თან ახლავთ მათი საერთო მახასიათებელი – გულწრფელი სიყვარული ყოველგვარი ცოცხალი არსების შიმართ“³⁵.

ძალიან მნიშვნელოვანია ასურელ მამათა სახელებთან დაკავშირებული შ. ნუცუბიძე, ქართული ფილოსოფიის ისტორია, I , თბ. 1956, გვ. 264.

³² შ. ნუცუბიძე, ქართული ფილოსოფიის ისტორია, I , თბ. 1956, გვ. 264.

³³ იქვე, 265-279.

³⁴ ა. აღვენებიძე, ქართული წყაროების შესწავლის მეთოდური საკითხები: აგიოგრაფია, თბ. 1985, გვ. 9-13.

³⁵ დ. მერკვილაძე, ასურელი მამები და მეუდაბნება, თბ. 2005, გვ. 44.

ლი სიწმინდეები საქართველოში. აღსანიშნავია იოანე ზედაზნელის მიერ ზედაზნის მთაზე სასწაულებრივად აღმოცენებული წყარო; ასევე სასწაულებრივად აღმოცენებული წყარო გარეჯის უდაბნოში წმ. დავით გარეჯელის მიერ და ასევე მის სახელთან დაკავშირებული „მაღლის ქვა“; წმ. იოსებ ალავერდელის ჯვარი, გოლგოთის ჯვრის ხისაგან გაკეთებული. განსაკუთრებით აღსანიშნავია მაცხოვრის ხელოუქმნელი ხატი, რომელიც ანტონ მარტყოფელმა ედესიდან ჩამოასვენა საქართველოში. ხატი თემურლენგის შემოსევებისას ეპისკოპოსმა გიორგი მარტყოფელმა გადამალა, თუმცა ისე დაიღუპა, რომ ხატის ადგილსამყოფელის გამსელა ვეღარ მოასწრო და ეს ხატი დღემდე დაკარგულად ითვლება. წმ. სტეფანე ხირსელს მისსავე დაარსებულ მონასტერში წმ. სტეფანე პირველმოწამის ნეკი მიუტანია. თავისთვის და სიწმინდეს წარმოადგენს თითოეული ასურელი მამის საფლავი³⁶.

სირიიდან საქართველოში შემოსულმა მამებმა უდიდესი როლი ითამაშეს საქართველოს ეკლესიის, ქართული კულტურის და ზოგადად საქართველოს ისტორიაში. მათ განვითარების თვისებრივად ახალ საფქურზე აიყვანეს ქართული ბერმონაზენობა და შექმნეს ქართული ასკეტური მოძრაობისა და კულტურის მრავალსაუკუნოვანი მძლავრი კერძი.



³⁶ ე. ბუბულაშვილი, ასურელი მამების სახელთან დაკავშირებული სიწმინდეები საქართველოში, ასურელი მამები აღმოსავლურ და დასავლურ საეკლესიო ტრადიციებში, 2009, თბ. გვ. 258-271.